

乾隆大藏經



乾隆大藏經



中國書局

御製

佛光恩照 三千大千
恒沙法界 普度衆生
身心安泰 年時豐稔
日月升恒 乾坤清寧
上下樂利 中外協和
萬善圓成 情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第六二册 經集部西土聖賢撰集(二)

出曜經	二〇卷(卷六至卷二〇)	尊者法救造 姚秦三藏竺佛念譯	一
賢愚因緣經	一三卷	元魏沙門慧覺譯	三六五
佛本行經	七卷	宋涼州沙門釋寶雲譯	六三一
撰集百緣經	一〇卷	吳月支優婆塞支謙譯	七六三
修行道地經	八卷	西晉三藏竺法護譯	九〇七
道地經	一卷	天竺三藏僧伽羅刹造	
佛說佛醫經	一卷	後漢安息三藏安世高譯	一〇四五
惟日雜難經	一卷	吳沙門竺律炎共支越譯	一〇六五
雜寶藏經	八卷	吳優婆塞支謙譯	一〇七〇
迦葉赴佛般涅槃經	一卷	元魏沙門吉迦夜共曇曜譯	一〇八三
瑜伽翳迦訖沙囉烏瑟尼沙斫訖囉真言安怛陀		東晉竺曇無蘭譯	一二二五
那儀則一字頂輪王瑜伽經	一卷	唐大興善寺三藏沙門大廣智不空奉詔譯	一二二九
佛入涅槃密迹金剛力士哀戀經	一卷	失譯人名	一二三五

佛使比丘迦旃延說法沒盡偈經 一卷

佛治身經 一卷

治意經 一卷

文殊師利發願經 一卷

六菩薩名亦當誦持經 一卷

小道地經 一卷

阿含口解十二因緣經 一卷

付法藏因緣經 六卷

失譯人名……………一二四一

失譯人名今附西晉錄……………一二四七

失譯人名今附西晉錄……………一二四八

東晉佛陀跋陀羅譯……………一二五一

後漢失譯人名見費長房錄……………一二五五

漢支曜譯……………一二五七

後漢安息優婆塞安玄共嚴佛調譯……………一二六一

後魏沙門吉迦夜共曇曜譯……………一二六九



出

曜

經

姚

秦

三

藏

竺

佛

念

譯



清刻龍藏佛說法變相圖

出曜經卷第六

尊者法救造
姚秦三藏竺佛念譯

念品第五

念喜生憂 念喜生畏 無所念喜 何憂何畏
昔佛在舍衛國祇樹給孤獨園時有外道梵
志素少子息唯有一子卒便命終晝夜追憶
不能飲食脫衣露形在冢啼哭恒憶亡兒行
來進止處所是時梵志出舍衛城到祇洹精
舍至世尊所共相問訊在一面坐是時世尊
告梵志曰汝今梵志諸根不定心意倒錯有
何事故乃至於是梵志白佛唯有一子捨我
命終不能逐亡苟存而已諸根豈能得定意
不倒錯耶少小養育冀望得力今更捨我無
常心意懊惱不能去懷自死已來晝夜追憶

不離食息脫衣露形在冢啼哭恒憶行來進止處所世尊告曰如是梵志如汝所言皆由恩愛生愁憂苦惱梵志白佛不如瞿曇所說世人恩愛皆生歡樂時彼梵志聞佛所說亦不然可即從座起領頭而去道經戲村見有二人對坐博戲梵志見已便興斯念夫人處世高才智慧博古覽今數於幽奧無有出此博戲之人我今可以瞿曇所說向彼二人宣耶時梵志即向二人說瞿曇所說言教時彼戲人謂梵志曰如是如是如汝所言恩愛合會皆生歡樂梵志心自生念我之所念與彼不異即從座起歡喜踊躍涉道而去如是展轉聞波斯匿王時波斯匿王語末利夫人曰卿頗聞瞿曇沙門所說恩愛合會皆生愁憂苦惱耶夫人白王如王所說恩愛合會皆生

愁憂苦惱王告夫人汝是瞿曇弟子瞿曇是汝師豈得不說恩愛合會生愁憂苦惱耶末利當知恩愛合會皆生歡樂喜情內發共相娛樂何以故說生愁憂苦惱耶是時夫人前白言願聽微言以自陳啓若見聽者敢有所宣王報夫人恣汝所說夫人白王云何大王頗念婆耆利王女不耶復念流離大將軍不復念禽翅利利夫人不王告夫人我甚愛念婆耆王女流離大將軍禽翅利利夫人不去心懷斯須頃夫人白王言云何大王斯諸人等設當變易各就後世當有愁憂苦惱不耶王告夫人彼等諸人變易遷轉甚懷憂愁痛切巨言夫人白言王念愛我不王報夫人甚愛於卿夫人白言設我遷轉變易不住者王復當愁憂不王告夫人甚懷愁憂不去食息

心意倒錯或成狂病云何大王頗念迦尸拘薩羅國界人民不王報夫人甚愛敬念所以然者如我今日五樂自娛皆由拘薩羅國界人民得此歡樂云何大王若使拘薩羅國界人民變易遷轉當生愁憂苦惱不耶王告夫人若無彼人民則無我身那得不生愁憂苦惱乎如今大王以自證明恩愛離苦怨憎會苦如來所說正謂此義爾時波斯匿王心開意悟即敕夫人自今已後我爲瞿曇弟子瞿曇爲我師我今末利遙歸命瞿曇沙門歸命法歸命比丘僧盡我形壽不復殺生是故說曰念喜生憂念喜生畏無所念喜何憂何畏念喜生畏者人得疾患瞻養病者恒生憂畏恐病不瘥或欲至他方或爲王使或入海采寶家人畏懼恐行不全濟家人諫諭家有餘

財足畢命生活何爲遠涉艱難采致貴貨設汝去者兩頭俱衰或行安住衰或行衰住安是故說曰念喜生畏也無所念喜何憂何畏者云何設無所念喜能除欲愛何以故以其欲界憂根堅固掘根甚難是故說曰無所念喜何憂何畏有憂則有畏無憂有何畏耶憂盡則畏盡五滅十八滅此之謂也念喜生憂念喜生畏念喜已離遂捨狂惑昔佛在舍衛國祇樹給孤獨園時有梵志大種稻田唯有一子在田守衛時天大雹雨傷殺稻子并殺其兒時彼梵志心懷苦惱馳走城市裸形露跣不避豪賤展轉以次到祇洹精舍然彼梵志應得受化如來玄鑒知應得度即化祇洹門外盡爲稻田復作化人如梵志子梵志見已意即開悟稻田我子今故存在橫自勞苦

在外馳走心意還定不復狂惑往至世尊所
頭面禮足在一面坐是時如來見彼坐定諸
佛世尊常所說法苦集盡道四諦真如盡爲
彼梵志一一說之逆順三昧空無相願一一
分別使彼梵志瞭然大悟諸塵垢盡得法眼
淨彼已得法成法無虛妄法無狐疑法自處
如來衆無所畏法即從座起禮如來足自今
已始受三自歸歸命佛歸命法歸命比丘僧
盡形壽不復殺生是故說曰念喜已離便捨
狂惑心意還正皆由佛力不遇佛者則不成
辦

夫人懷愁憂 世苦無數端 斯由念恩愛
無念則無畏

夫人懷愁憂者衆生之類晝夜愁憂相對號
哭或時失性遂致狂惑皆由恩愛戀慕所致

是故說曰夫人懷愁憂也世苦無數端者衣
不蓋形食不充口顏色萎黃身體垢全五親
分離廢諸技術皆由恩愛致此災患人在世
間遇諸苦惱亦由恩愛不能捨離是故說曰
世苦無數端也斯由念恩愛者生死久長苦
本難尋思者處中不自覺知人相戀慕非徒
一類或念父母兄弟宗親知識死者生者於
中興念追號啼哭是故說曰斯由念恩愛也
無念則無畏者人去想念無所戀慕則無愁
憂苦惱有家憂家有財憂財有車乘鞍馬則
憂車乘鞍馬無車乘鞍馬則無所戀無想念
者何者是所謂欲愛盡人永斷無餘何者斷
欲愛人所謂徑取阿那含不由二道是謂斷
欲愛人無有想念永處究竟不還欲界凡夫
愛未盡雖獲五通不離三有若失神足悲怒

隆盛彈指之頃還墮惡趣方當經歷劫數乃還復身是故說曰無念則無畏也

是故不生念 念者是惡累 彼則無諸縛無念無不念

是故不生念者人生世間由念生恩愛由念變易諸有愁憂苦惱皆緣念而生是故說曰不生念也念者是惡累云何猶世有狂夫身抱困病以其病故或殺五生或殺百生以救病者謂蒙瘳降不知病者受罪無數或有病人殺人祠祀亦望救命正使病人藏置百重鐵籠裏者於一重間盡安衛守共相括證不聽司命來錄死者此事不然皆由恩愛致此災變或復有人知親別久遠來歸家念彼人故殺害蟲獸不可稱計共相慶賀以積殃禍之根是故說曰念者是惡累也彼則無諸縛

者所謂縛者羈絆人神不至無爲如契經所說夫人染著愛心未盡者有緣有因所趣生處或彼終生此有因有緣繫所繫縛所縛結所結猶如智人及智弟子若能作花鬘先作長繩爲本因上織花鬘以花爲緣得成花鬘愛心未盡者亦復如是有緣有因所趣生處彼終生此有緣有因得果證之人不復經此諸縛之難是故說曰彼則無諸縛無念無不念者以離惱熱念而無念愛無爲樂遊戲第一義是故說曰無念無不念

念爲求方便 非義未設權 權慧致大義
自致第一尊

念爲求方便者欲得修習無上慧智分別深義無有欺詐已成此慧終已無亂是故說曰念爲求方便也非義未設權者云何非義與

此深義亦不相應令人墮惡不與善根爲諸智人所見嗤笑若能改已往失者全作將來福也便爲天人所嘆譽權得消咎疊於當時殖善本於來世是故說曰非義未設權也權慧致大義者云何與善知識從事教人正見不順邪業亦復不習外道異術承受其義所謂義者無漏慧義禪義觀義是故說曰權慧致大義也自致第一尊者諸佛世尊奉持禁戒不放逸人執心牢固不入邪聚恒以禁戒訓誨衆生常求三業是故說曰自致第一尊也

莫與愛念會 亦莫不念俱 愛念不見苦
不念愛憂感 於中生愁感 消滅人根源
莫與愛念會者昔有二人共相愛敬不能相離行則俱進食則同甘中共離別各在異處

後復追憶思共相見屢遣信喚欲得同處卿若不來益吾愁矣此人怨家與彼人親親彼其來喚寧可共赴其命耶遂便從命相與共往別久相見內懷歡喜見彼怨家情憤不悅在其隱處親親議言奚復與我怨家遊止同行我不喜見得此言訖愛著偏多便共俱還其後思想復遣信喚如是再三復語親親何故與彼人遊處耶其人報曰愛至待厚退忘來言即復報曰思見所歡復遇惡緣我今何爲乃爾戀著親親兩不相適耶即便捐家妻息出家學道復有一人唯有一子爲羅刹鬼所持晝夜憂念不能捨離時羅刹鬼全舉小兒詣鬼住處經十餘日彼人不見其子晝夜憂念死而復穌羅刹鬼復將兒還父見兒喜不能自勝終日抱弄視無厭足若見羅刹復

懷愁憂衣毛爲堅復經十日羅刹鬼復將小兒還詣鬼國父後追憶不離食息如是數反遂成憂疾其父思惟人生憂惱其苦萬端我今宜可捨家爲道即便出家得在道次爾時世尊欲度彼人等示現權慧安處無爲在大衆中而說偈言

莫與愛念會 亦莫不念俱 愛念不見苦
不念愛憂感 於中生愁感 消滅人根源
世尊說曰恩愛猶尚不可戀慕況非恩愛而可親近時二比丘內自思惟如來所訓正爲我等宜自謹慎修無上梵行晝則經行夜則坐禪未經旬日即獲道跡身能飛行眼能徹視六通清徹無所罣礙於如來佛法爲有反復咄嗟恩愛不可恃怙諸結使盡得羅漢果善哉福報如影追形福業真報如油津衣身

自衰喪罪福不行
愛念就後世 朋友知親多 長夜愁憂思
念離甚爲苦

愛念就後世者父母兄弟姊妹中表及諸知識男女大小從今世至後世流轉不停是故說曰愛念就後世朋友知親多也長夜愁憂思者啼泣號哭蓬頭亂髮椎胸懊惱是故說曰長夜愁憂思念離甚爲苦者恩愛已離或在他方或復命終所求不得所念不從是故說曰念離甚爲苦

念色善色容 天身而別住 極樂而害至
爲死王所錄

念色善色容者昔佛在舍衛國祇樹給孤獨園爾時世尊告諸比丘上空界有天名歡樂過差展轉共集作倡妓樂終日無厭由其歡

樂過故從彼命終今生此間比丘當知復有
大名曰喜笑展轉共集舉聲大笑終日無厭
以其笑過差故從彼命終來生此間是故說
曰念色善色容也天身而別住者晝夜戲笑
不計無常對至謂爲受天之福無有窮已極
樂而害至作倡妓樂舉聲大喚皆是害本皆
當捐棄壽非久保便爲死王所攝隨形料簡
科量罪福分別善惡重罪付鑊湯輕付鬲子
平正如水齊量如槩是故說曰爲死王所攝
也

若人處晝夜 消滅念愛色 自掘深根本
不越死徑路

若人處晝夜者專精一意斷欲界欲愛永盡
無餘晝則精勤夜則諷誦是故說曰若人處
晝夜也消滅念愛色者已滅已盡度有至無

無復恚怒是故說曰消滅念愛色也自掘深
根本者或時掘念根或掘愛根或掘戀慕宗
親縛著之根著勇猛服執智慧鑿掘三毒根
永使不生是故說曰自掘深根本也不越死
徑路者愛著田業財寶七珍皆爲死徑心意
戀著初不捨離亦是死徑當求方便超越死
路至不死處是故說曰不越死徑路也

不善像善色 愛色言非愛 苦謂爲樂想
放逸之所使

不善像善色者善者意所貪樂終日翫習而
不捨離爲人所譏如此衆善除捨遠離爲智
者所譏爲智者所棄爲智者所責是故說曰
不善像善色也云何愛色言非愛愛者無欺
無詐令人憂惱所欲不果遂生愛戀是故說
曰愛色言非愛云何苦謂爲樂想樂者身中

諸根寂靜不亂志性安和不興亂想亦能使人生衆苦惱先歡而後憂是故說曰苦謂爲樂想放逸之所使者放逸之人心不常定與諸五親共相娛樂生欣怒心放意自恣是故說曰放逸之所使也

夫欲自念者 不與惡共居 此則難獲得樂爲惡根本

夫欲自念者若人欲自愛身當先愛彼不由此愛傷害生命是故說曰夫欲自愛身也云何不與惡共居人居世間多諸畏懼與惡從事遂積重罪不與惡共居者身口意常清淨是故說曰不與惡共居也此則難獲得者不修善本不教一切衆生立於根門亦復不能廣化未悟是故說曰此則難獲得也樂爲惡根本者夫行惡人終無有樂心在殺害修不

善本是故說曰樂爲惡根本也

夫欲自念者 善宜自守護 猶如防邊城深塹固乃牢 失三離三者 智者宜自悟夫欲自念者猶如邊城常當守護自防護身亦復如是或畏外寇來入境內復恐目下私竊叛逆復畏內人與外情通內心城者亦當如是常當三事防護恐外結使賊來入境內復畏心所念法與外塵同內不思惟校計塵勞心城危險難守難護多諸恐懼守護堅牢無有恐懼心城亦如是守護牢固無有恐懼是故說曰夫欲自念者也善宜自守護猶如防邊城深塹固乃牢失三離三者智者宜自悟也

夫欲自念者 藏而使牢固 猶如防邊城內外悉牢固

昔佛在舍衛國祇樹給孤獨園是時世尊告諸比丘若邊城郭七業成就四食充實易護易滿外寇欲來攻者終不能得除其內人與外通也云何邊城七業成就於是邊城鹿角外防牢固不可移動是謂邊城初業成就外寇不能得壞復次邊城掘塹深廣修飾極妙是謂邊城二業成就外寇不能得壞也復次邊城造其却敵以俟戰鬪是謂邊城成就三業外寇不能得壞復次邊城戰具備足弓弩機關飛輪水道鎔鐵礮石戈矛利稍內備退道是謂邊城成就四業外寇不能得壞復次邊城四面安四種軍象軍馬軍車軍步軍除其內人與外通者是謂邊城成就五業外寇不能得壞復次邊城瞻守門戶持時曉夜解知號令即別善惡識者聽入不識者不聽入

是謂邊城成就六業外寇不能得壞復次邊城高峻內外剋治除其內人與外通者是謂邊城成就七業外寇不能得壞云何邊城裏四食充滿外寇不能得攻復次邊城饒薪多水除其內人與外通者是謂成就初食外寇不能得其便復次邊城豐饒穀米庫藏充滿除其外人與內通者是謂邊城成就二食外寇不能得便復次邊城饒稻麥豆除其內人與外通者是謂邊城成就三食外寇不能得其便復次邊城饒諸熟食油酥脂膏魚脯乾肉是謂邊城成就四食佛說此偈內外牢固姦宄賊寇不得其便是故說曰猶如邊城內外牢固常當專意內無色想除外色外無色想除內色內外無色想除內外色也當自防護時不再遇時過生憂墜墮地獄

當自防護者執心不亂諸根寂定自見生死災害熾然修諸善法知泥洹城清涼無爲防護穢濁心垢之惱是故說曰當自防護時不再遇者於億千萬劫乃遇一良時雖復遭遇或前或後或生中國與賢聖相遇諸根不缺宿種功德遭值佛世汝等宿緣堪任斷結越次取證盡諸有漏成無漏行是故說曰時不再遇時過生憂者從無數劫積善所致乃遇良時良時已過悔無所及有八事中間不得向王有所陳啓云何爲八王遭喪難不得有所陳啓王身遇熱患不得有所陳啓王飢未食不得有所陳啓王入深宮不得有所陳啓王或入庫藏或侵他境不得有所陳啓王或與鼎臣共議不得有所陳啓有人發舉陰謀之事不得有所陳啓王獨坐靜默意有所規

不得有所陳啓俗間八事有所禁忌不得自宜今此內法亦復如是在八無閑不得興發善心云何爲八或遭喪艱親族死亡不得興發善心在八地獄十六閻子刀山劒樹火車鑪炭受諸苦惱身爛心焦於其中間不容善心念道或在餓鬼腹如泰山縱廣數十由延咽如細鍼長數十丈一寸千隔爾時意荒心念飲食於其中間不容善心念道若生六天一界服飾百億莊嚴食以甘露玉女圍繞視東忘西視右忘左如數疾輪無有端緒於其中間不容善心念道若生邊地夷狄之中無佛法衆不聞三法之音語不真正心無篤信心在邪見或生長壽夭於其中間不容善心念道或生中國手脚不具六情不完或聾盲瘖瘂於其中間不容善心念道或生佛後五